

大饒益

爾時阿難聲聞菩薩天龍藥叉人非人等一切大眾聞薄伽梵懸記當來法住時分諸苾芻等行業差別皆增悲歎信受奉行

佛臨涅槃記法住經

卷十

八

佛說八部佛名經

元魏婆羅門瞿曇般若流支譯

聞如是一時佛遊維耶離柰女樹園與大比丘眾俱比丘千二百五十諸菩薩無央數尔時有長者子名曰善作從城中出詣柰女園到世尊所稽首足下右遶三匝却住一面又手白佛欲有所問大聖見聽乃敢自陳佛告善作恣所欲言問如來當具分別解說善作見聽便白佛言唯天中天寧有諸佛修行本願自到正覺今現世講說經道大聖願宣諸佛之名聞之執持戴著頂上諮受所說誓首歸命頌宣功勳無復衆難不趣三塗聞諸佛名人若非人不得其便若在縣官說諸佛名無能橫枉奪其所有而性堅強不懷怯弱安隱得勝若入鬪戰刀不傷身箭射不入閱又諸鬼諸天龍神無敢嬈者師子虎狼野獸弊虫無能害者佛告善作諦聽善思念之當為汝說擁護除難無恐獲安於是善作受教

而聽佛言東方去此有佛号奉至誠如來至  
真等正覺今現在說經法世界曰名聞跡  
復次東方有佛号固進度思吉義如來至真  
等正覺今現在說經法世界曰莫能當  
復次東方去此佛土有佛号觀明功勳如來  
至真等正覺今現在說經法世界名吉安

景十

九

復次東方去此佛土有佛号慈英寂首如來  
至真等正覺今現在說經法世界曰無恚恨  
復次東方去此佛土有佛号真性上首如來  
至真等正覺今現在說經法世界曰去杖  
復次東方去是佛土有佛号念衆生稱上首  
如來至真等正覺今現在說經法世界曰熾

盛首

復次東方有佛号踊首高超須彌如來至真  
等正覺今現在說經法世界曰曜赫熱首  
復次東方去此佛土有佛号勝恥稱上首如  
來至真等正覺今現在說經法世界曰愛樂  
假使有人遙聞東方諸如來号受此諸佛世

尊之名諦奉善思抱在心懷持諷誦讀縱使  
諸佛戒德智慧道本平等又諸刹土莊嚴清  
淨殊異之德卓然無侶無有塵垢無有女人  
汗穢之難亦無五濁勤苦之患三塗之厄無  
沙礫石荆棘溝坑佛言善作若有能持奉是  
諸佛世尊之名願宣遠近上夜覺寤而起經

行歎誦誦說此諸佛名中夜後夜起一心任  
捨此無益念所增修如是行者德行日進終  
無損耗也佛告善作汝當樂此八佛名經佛  
以斯法教族姓子懷抱在心勿得忘捨尋時  
精修便當逮見八千諸佛善作於是聞聖教  
詔則以寶華價直八千兩金供散世尊稽首

佛足右遶三匝却行而坐時天帝釋在於彼  
會前白佛言唯然大聖我已受此八佛之名  
已諷誦讀抱在心懷唯天中天吾身當勤精  
進奉行是八部揚諸佛尊名思惟專念不離  
食息貴重恭敬為天上寶佛告天帝以是之  
故天阿須倫共戰鬥時若有恐懼拘翼當念

佛說八部佛名經

景下

可無所畏所以者何假使有人讚歎稱譽諸  
 如來名八部經典則為班告無所畏業宣諸  
 如來經典名者不遇惱熱眾患之難若能顯  
 傳諸如來名經典之要則宣太平豐熟之世  
 能傳諸佛經典名者則宣安隱除去大患能  
 傳諸佛經典名者則為宣布寂然宴坐若傳

十

諸佛經典名者則離一切無數恐懼若能傳  
 此諸佛經名夢安覺歡不畏縣官水火盜賊  
 怨家債主自然避去鬼神羅刹妖魅魍魎辟  
 荔魘鬼皆不敢當若入山陵谿谷曠路抄賊  
 劫掠自然不現師子虎狼熊羆虺虺悉自縮  
 藏所以者何諸佛至尊德過須彌智超江海  
 慧喻虛空獨步三界無能及者十方一切莫  
 不蒙度佛說如是長者善作及天帝釋諸比  
 丘僧一切會者諸天龍神阿須倫世間人間  
 經歡喜作禮而退  
 性空佛 法空燈佛 天王佛 金仁佛

流下酒展 洎其 洎器 統統 括上 跨古 跨活 頽回 運徒 東東 壤下  
 發發 軼下 統統 括上 跨古 跨活 頽回 運徒 東東 壤下  
 徹徹 骨骨 洲洲 渚渚 入入 經經 重重 秤秤 下下 尺尺 證證